

1. ხელშეკრულების დამდები მხარეები

ერთი მხრივ საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N10, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის **თია მელაძის** სახით და მეორე მხრივ, **მიმწოდებელი**: შპს „ჯიოთი ჰოლდინგი“; საიდენტიფიკაციო კოდი: **443859834**; იურიდიული მისამართი: ქ. ხაშური, დ. სულიაშვილის ქუჩა N11; ტელ: **598 55-65-99**; ფაქტობრივი მისამართი: ქ. თბილისი, დემეტრე თავდადებულის N54; დირექტორი: **გიორგი ხოტივრიშვილი**; საბანკო რეკვიზიტები: ს.ს „თიბისი ბანკი“; ბანკის კოდი: **TBCBGE22**; ა/ა: **GE68TB7654436080100003**; (შემდგომში „მიმწოდებელი“), საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია: **შინაგან საქმეთა სამინისტროს მიერ დაგეგმილ სხვადასხვა სახის ღონისძიებებში, გახმოვანების უზრუნველყოფი აპარატურით და ეკრანის საკიდი ამწე "ფერმა" კონსტრუქციებით უზრუნველყოფის მომსახურების შესყიდვა**. ინფორმაცია გასაწევი მომსახურების დასახელების, რაოდენობისა და ერთეულის ღირებულების შესახებ მოცემულია მომსახურების ხარჯთაღრიცხვაში, რომელიც თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი N1 - **3 (სამი)** ფურცელი).
- 2.2 შესყიდვის საშუალება: ელექტრონული ტენდერი აუქციონის გარეშე **NAT220000598**.
- 2.3 ხელშეკრულების საერთო ღირებულება შეადგენს **45460** (ორმოცდახუთი ათას ოთხას სამოცი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 2.4 კლასიფიკატორის კოდი: CPV-98300000 - სხვადასხვა მომსახურება; CPV-98390000 – სხვა მომსახურებები.
- 2.5 ხელშეკრულება ძალაშია 2022 წლის 07 თებერვლიდან 2023 წლის 31 იანვრის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. მომსახურების გაწევის პირობები, ვადა და ადგილი

- 3.1 მომსახურების გაწევის ვადა: ხელშეკრულების გაფორმებიდან 2022 წლის 31 დეკემბრის ჩათვლით, ეტაპობრივად - შემსყიდველის მოთხოვნიდან **1 (ერთი)** სამუშაო დღის განმავლობაში. მოთხოვნა/შეტყობინება შესაძლებელია განხორციელდეს ელ-ფოსტის ან ტელეფონის საშუალებით.
- 3.2 მომსახურების გაწევის ადგილი: შემსყიდველის მოთხოვნის შესაბამისად, საქართველოს ტერიტორია.
- 3.3 მიმწოდებელი ვალდებულია (საჭიროების შემთხვევაში) შეასრულოს ერთდოულად არანაკლებ **2** ღონისძიების გახმოვანების უზრუნველყოფი აპარატურით მომსახურება. მიმწოდებელი ვალდებულია მომსახურების გაწევის დროს დაიცვას უსაფრთხოების ნორმები.
- 3.4 ყოველი კონკრეტული დავალებისათვის მინიმუმ **1 (ერთი)** სამუშაო დღით ადრე შემსყიდველი მიმწოდებელს ელექტრონულ ფოსტაზე და სატელეფონო შეტყობინების სახით გაუგზავნის მოთხოვნას ღონისძიების ჩატარების ადგილის, თარიღის (დღე/საათი) და გასაწევი მომსახურების შესახებ (საკონტაქტო პირები: **გიორგი ხოტივრიშვილი** ტელ: **598 55-65-99**; ელ. ფოსტა: **Gio.khoti@gmail.com**; **ლევანი ციყელაშვილი**: ტელ: **577 48-16-81**; ელ. ფოსტა: **leo.ciy@gmail.com**; და **ოთარ გემაზაშვილი**: ტელ: **598 10-44-24**; ელ.ფოსტა: **Oto.gemaza@gmail.com**. მიმწოდებელი ვალდებულია შეტყობინების მიღებიდან არაუგვიანეს **1 (ერთი)** საათის განმავლობაში დაუდასტუროს შემსყიდველს მზადყოფნა მომსახურების გაწევის შესახებ.
- 3.5 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4. გასაწევი მომსახურების ხარისხი

- 4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს მოქმედი ყველა საჭირო ნორმების, სტანდარტების, წესებისა და მოთხოვნების დაცვით.
- 4.2 ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ხარვეზის ან/და ნაკლის არსებობის შემთხვევაში, მიმწოდებელი ვალდებულია შეტყობინების მიღებისთანავე გამოასწოროს ნაკლი, შემსყიდველის მხრიდან დამატებითი დანახარჯების გაწევის გარეშე.
- 4.3 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განხორციელონ ტექნიკური კონტროლი ან/და შეამოწმონ მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს შსს ლოჯისტიკის დეპარტამენტის მარაგებით უზრუნველყოფის სამმართველოს მარაგების უზრუნველყოფის სამსახურის უნიფორმის უზრუნველყოფის განყოფილების მთავარი სპეციალისტი ნატალია გუგუშვილი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება - ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს შსს სტრატეგიული კომუნიკაციების დეპარტამენტის შესაბამისი უფლებამოსილი პირი.

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2022 წლის სახელმწიფო ბიუჯეტის სახსრებით, ეტაპობრივად, ფაქტიურად გაწეული მომსახურების მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) შსს შესაბამისი სამსახურის მიერ ეკონომიკურ დეპარტამენტში წარმოდგენის შემდეგ არაუგვიანეს 15 კალენდარული დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების შესრულების უზრუნველყოფის გარანტია

8.1. ხელშეკრულების შესრულების უზრუნველყოფის მიზნით მიმწოდებელმა ხელშეკრულების გაფორმებამდე წარმოადგინა ს.ს „სადაზღვევო კომპანია ჯი პი აი ჰოლდინგი“-ს მიერ გაცემული, ხელშეკრულების უზრუნველყოფის უპირობო და გამოუთხოვადი საბანკო გარანტია FG/22 002038, გაცემული 2022 წლის 02 თებერვალს თანხით 4546 (ოთხი ათას ხუთას ორმოცდაექვსი) ლარი, რომელიც წარმოადგენს ხელშეკრულების განუყოფელ ნაწილს. ხელშეკრულების შესრულების უზრუნველყოფის საბანკო გარანტიის მოქმედების ვადა განისაზღვრება 2023 წლის 04 თებერვლის ჩათვლით.

8.2. ხელშეკრულების უზრუნველყოფის უპირობო და გამოუთხოვადი გარანტიის ოდენობა განისაზღვრება ხელშეკრულების ჯამური ღირებულების 10%-ის ოდენობით, ვინაიდან მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე.

8.3. მიმწოდებლის მიერ ხელშეკრულებით ნაკისრი ვალდებულების სრულად და ჯეროვანად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 დღის განმავლობაში.

8.4. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებელს მოთხოვნიდან 14 დღის განმავლობაში დაუბრუნოს ხელშეკრულების შესრულების უზრუნველყოფის საბანკო გარანტია.

8.5. გარანტია არის უპირობო და გამოუთხოვადი ე.ი. გარანტიით გათვალისწინებული თანხები შემსყიდველმა, უნდა მიიღოს ყოველგვარი დამატებითი განმარტებისა და მტკიცებულებების წარდგენის გარეშე, პირველივე მოთხოვნისთანავე. გარანტი იღებს ვალდებულებას, ყოველგვარი უარყოფისა და გასაჩივრების უფლების გარეშე, წერილობითი მოთხოვნის წარდგენიდან მომდევნო 5 (ხუთი) სამუშაო დღის ვადაში, გადაუხადოს ბენეფიციარს თანხა თუ პრინციპალმა არ შეასრულა ბენეფიციართან გაფორმებული სახელმწიფო შესყიდვების შესახებ ხელშეკრულებით ნაკისრი ვალდებულებები. ასევე, გარანტიის თანხა მცირდება შესრულებული სამუშაოების პროპორციულად.

9. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

- 9.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 9.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.
- 9.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.15%-ის** ოდენობით.
- 9.4 ხელშეკრულების შეწყვეტის შემთხვევაში მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად.
- 9.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.
- 9.6 ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის **0.15%-ის** ოდენობით.
- 9.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

10. ხელშეკრულების შეწყვეტა

- 10.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.
- 10.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 10.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 10.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 10.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:
- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
 - ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.
- 10.6 ამ მუხლის პირველი და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

11. ფორს-მაჟორი

- 11.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.
- 11.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, სსიპ „საქართველოს სავაჭრო სამრეწველო პალატის“ დასკვნა ფორსმაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩათვლება ხელშეკრულების განუყოფელ ნაწილად.

12.3 ხელშეკრულების საბოლოო ღირებულება განისაზღვრება, შემსყიდველის მოთხოვნის შესაბამისად, ფაქტობრივად მიწოდებული შესყიდვის ობიექტის ღირებულებით, რაც არ საჭიროებს დამატებით შეთანხმებას.

13. უფლებების გადაცემა

13.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13.2 დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

14. ღირებულება

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: **გიორგი ხოტივრიშვილი**; ტელ: **598 55-65-99**; ელექტრონული ფოსტა: **Gio.khoti@gmail.com**;

ბ) შემსყიდველის შემდეგი რეკვიზიტები: საკონტაქტო პირი: **ნატალია გუგუშვილი**; ტელ: **577 52-69-69**; ელექტრონული ფოსტა: **n.gugushvili@mia.gov.ge**;

15.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

15.4 შეტყობინება შედის ძალაში ადრესატის მიერ მისი მიღების დღეს.

16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

16.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. სხვა პირობები

17.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2 ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

17.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17.6 მიმწოდებლის მიერ სახელმწიფო შესყიდვის განხორციელების ნებისმიერ ეტაპზე, სახელმწიფო შესყიდვების ერთიან ელექტრონულ სისტემაში ატვირთული ან შემსყიდველისთვის გადაცემული პერსონალური ინფორმაცია, საქართველოს შინაგან საქმეთა სამინისტროს მიერ, „პერსონალურ მონაცემთა დაცვის შესახებ“ საქართველოს კანონის შესაბამისად, შესაძლებელია დამუშავდეს სახელმწიფო შესყიდვის მიზნებისთვის.

მხარეთა მიერ გამოყენებულია ელექტრონული ხელმოწერები

მომსახურების ხარჯთაღრიცხვა

პრეტენდენტის დასახელება შპს ჯიტი ჰოლდინგი

№	მომსახურების დასახელება	აპარატურის ტექნიკური მახასიათებლები	მომსახურების გაწევისათვის გამოსაყენებელი აპარატურის რაოდენობა (ცალი/კერადობა)	პრეტენდენტის მიერ შემოთავაზებული ერთჯერადად (1 დღეში -1 ლოკაციაზე) გასაწევი მომსახურების ღირებულება (ლარი)	ჯამური ღირებულება (ლარი)	მომსახურების გაწევის ადგილი
1	უკაბელო რადიო მიკროფონით მომსახურება	მიმღებ- გადამცემი ცვლადი სიხშირეებით. 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz- დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	30	18	540	თბილისი მცხეთა რუსთავი
2	უკაბელო რადიო მიკროფონით მომსახურება	მიმღებ- გადამცემი ცვლადი სიხშირეებით. 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz- დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	15	20	300	რეგიონები
3	უკაბელო თავზე სამაგრი რადიო მიკროფონით მომსახურება	მიმღებ- გადამცემი ცვლადი სიხშირეებით. 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz- დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	30	10	300	თბილისი მცხეთა რუსთავი

4	უკაბელო თავზე სამაგრი რადიო მიკროფონით მომსახურება	მიმღებ- გადამცემი ცვლადი სიხშირეებით. 8 განსხვავებული სიხშირე. მიმღებზე ლედ ეკრანი AF Peak მაჩვენებლები დაბალანსებული XLR და დაუბალანსებული 1/4 "გამომავალი კონექტორები. სიხშირული გატარების ზოლი Frequency Response 45hz-დან 20,000 Hz-მდე. გადამცემის მახასიათებლები: ცვლადი მართვის კონტროლი, შიდა არხების სელექტორი, ბატარეის ინდიკაცია / გადამცემის კვება, AA ელემენტი / მიმღების კვება 100-240V AC (50/60 Hz) to 12 DC 1 A	15	20	300	რეგიონები
5	საკონფერენციო ტრიბუნის მიკროფონით მომსახურება	სიხშირული გატარების ზოლი 40 ჰერციდან 16 კვ/ჰერცამდე; საკონფერენციო მიკროფონის ღეროს სიგრძე 40 სმ.	30	5	150	თბილისი მცხეთა რუსთავი
6	საკონფერენციო ტრიბუნის მიკროფონით მომსახურება	სიხშირული გატარების ზოლი 40 ჰერციდან 16 კვ/ჰერცამდე; საკონფერენციო მიკროფონის ღეროს სიგრძე 40 სმ.	15	10	150	რეგიონები
7	ციფრული საკონფერენციო მაგიდის მიკროფონით მომსახურება	სიხშირული გატარების ზოლი 40 ჰერციდან 16 კვ/ჰერცამდე; საკონფერენციო მიკროფონის ღეროს სიგრძე 40 სმ.	100	10	1000	თბილისი მცხეთა რუსთავი
8	ციფრული საკონფერენციო მაგიდის მიკროფონით მომსახურება	სიხშირული გატარების ზოლი 40 ჰერციდან 16 კვ/ჰერცამდე; საკონფერენციო მიკროფონის ღეროს სიგრძე 40 სმ.	100	10	1000	რეგიონები
9	მიქშერი სრულად ციფრული	მიქშერი სრულად ციფრული 32+6 არხის მხარდაჭერით გამომავალი პორტები Line Outputs 16 x XLR მოტორიზებული 100მმ ფეიდელებით, აუდიო კონვერტაცია 24-bit @ 44.1/48 kHz, 114 dB დისპლე, 7", 800 x 480, 262k ფერები TFT LCD screen: 128 x 64, LCD with RGB	40	300	12000	თბილისი მცხეთა რუსთავი
10	მიქშერი სრულად ციფრული	მიქშერი სრულად ციფრული 32+6 არხის მხარდაჭერით გამომავალი პორტები Line Outputs 16 x XLR მოტორიზებული 100მმ ფეიდელებით, აუდიო კონვერტაცია 24-bit @ 44.1/48 kHz, 114 dB დისპლე, 7", 800 x 480, 262k ფერები TFT LCD screen: 128 x 64, LCD with RGB	20	300	6000	რეგიონები
11	აქტიური აკუსტიკური სისტემა	აქტიური აკუსტიკური სისტემა: სიმძლავრე 1000 ვატი Class-D (650 W + 350 W, biamped) დაბალი სიხშირის 15" დინამიკით და 1" დრივერით, ხმის წნევა 137 dB Max SPL, ზეგრის გავრცელების კუთხე (60°-90° x 55°), rotatable	40	300	12000	თბილისი მცხეთა რუსთავი
12	აქტიური აკუსტიკური სისტემა	აქტიური აკუსტიკური სისტემა: სიმძლავრე 1000 ვატი Class-D (650 W + 350 W, biamped) დაბალი სიხშირის 15" დინამიკით და 1" დრივერით, ხმის წნევა 137 dB Max SPL, ზეგრის გავრცელების კუთხე (60°-90° x 55°), rotatable	20	300	6000	რეგიონები
13	ეკრანის საკიდი აშწე "ფერმა" კონსტრუქციებით მომსახურება	ალუმინის ასაწყობი (ე.წ. "ფერმებით") კონსტრუქციის ზომები: სიგანე 8 მ, სიმაღლე 8 მ; კონსტრუქცია ითვალისწინებს 30 მ² ფართობის მქონე ეკრანის დაკიდების დატვირთვას; კონსტრუქციის აწევა ხორციელდება ჯალამზარების საშუალებით;	10	50	500	თბილისი მცხეთა რუსთავი

14	ეგრანის საკიდი ამწე "ფერმა" კონსტრუქციებით მომსახურება	ალუმინის ასაწყობი (ე.წ. "ფერმებით") კონსტრუქციის ზომები: სიგანე 8 მ, სიმაღლე 8 მ; კონსტრუქცია ითვალისწინებს 30 მ² ფართობის მქონე ეგრანის დაკიდების დატვირთვას; კონსტრუქციის აწევა ხორციელდება ჯალამბარების საშუალებით;	2	50	100	რეგიონები
15	გახმოვანების სისტემა წინა ხაზი: ლაინ არრაი	გახმოვანების სისტემა წინა ხაზი: ლაინ არრაის (Line array) ტიპის აქტიური ხაზობრივი წყობის დაბალი, საშუალო და მაღალი სიხშირის დინამიკები 60 Hz-20 kHz გახმოვანების 4 ზოლიანი აქტიური სისტემა 100 კვტ. დაბალი სიხშირის აქტიური საბვეფერები: სიხშირიერე 28 Hz-125 Hz ხმის წნევა 143 dB . სცენის გამჭოლი დიამიკები 4გ. გახმოვანების სისტემა დილეი კომპკები 2გალი: დაბალი, საშუალო და მაღალი სიხშირის დინამიკები 60 Hz20 kHz გახმოვანების 4 ზოლიანი აქტიური სისტემა 25 კვტ. დაბალი სიხშირის აქტიური საბვეფერები: სიხშირიერე 32 Hz-125 Hz ხმის წნევა 141 dB	3	1500	4500	თბილისი მცხეთა რუსთავი
16	DI Box დიაი ბოქსი	ორ არხის მხარდაჭერით ფანტომური ელ. კვებით და 9ვოლტ. ელემენტის მხარდაჭერით	1	10	10	რეგიონები
17	DI Box დიაი ბოქსი	ორ არხის მხარდაჭერით ფანტომური ელ. კვებით და 9ვოლტ. ელემენტის მხარდაჭერით	1	10	10	თბილისი მცხეთა რუსთავი
18	სცენის მონიტორი	15" დაბალი და 1.5" მაღალი სიხშირის კომპონენტი 1500 ვატი სიხშირული ზოლი 28Hz-20KHz	3	40	120	რეგიონები
19	სცენის მონიტორი	15" დაბალი და 1.5" მაღალი სიხშირის კომპონენტი 1500 ვატი სიხშირული ზოლი 28Hz-20KHz	10	40	400	თბილისი მცხეთა რუსთავი
20	ვოკალის მიკროფონი შტატივით	კარდიოიდული გატარების ზოლი 50 Hz to 15 kHz მგრძნობელობა 54.5 dBV/Pa at 1 kHz, წინალობა 150 ომი.	5	10	50	რეგიონები
21	ვოკალის მიკროფონი შტატივით	კარდიოიდული გატარების ზოლი 50 Hz to 15 kHz მგრძნობელობა 54.5 dBV/Pa at 1 kHz, წინალობა 150 ომი.	3	10	30	თბილისი მცხეთა რუსთავი
სულ ჯამი:					45460	

მხარეთა მიერ გამოყენებულია ელექტრონული ხელმოწერები

ხელშეკრულების შესრულების საგარანტიო უზრუნველყოფა (უპირობო გარანტია)

FG/22 002038

ვის: საქართველოს შინაგან საქმეთა სამინისტროს

მხედველობაში ვიღებთ რა, რომ შპს ჯიპი აი ჰოლდინგი-მ (ს/კ: 443859834), შემდგომში "მიმწოდებელმა" საქართველოს შინაგან საქმეთა სამინისტროს წინაშე იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, (სხვადასხვა სახის ღონისძიებებში გახმოვანების უზრუნველყოფი აპარატურით და ევრანის საკიდი ამწე "ფერმა" კონსტრუქციებით უზრუნველყოფის მომსახურება (NAT220000598)) მის მიერ მოთხოვნილ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით არაუმეტეს თანხაზე 4 546,00 (ოთხი ათასი ხუთასორმოცდაექვსი ლარი) ლარი და უპირობოდ, გამოუთხოვადად ვკისრულობთ ზემო აღნიშნული თანხის გადახდას ყოველგვარი უარყოფისა და გასაჩივრების უფლების გარეშე "მიმწოდებლის" მიერ საქართველოს შინაგან საქმეთა სამინისტროსთან დადებული ხელშეკრულებით ნაკისრი ვალდებულების დარღვევის საფუძველზე თქვენი პირველივე წერილობითი მოთხოვნის მიღებისთანავე (არაუგვიანეს 5 (ხუთი) სამუშაო დღისა). გარანტიის თანხა არ მცირდება შესრულებული სამუშაოს პროპორციულად.

საგარანტიო უზრუნველყოფა ძალაშია 2022 წლის 02 თებერვლიდან 2023 წლის 04 თებერვლის ჩათვლით. საგარანტიო ხელშეკრულების ვადის გასვლის შემდგომ მოთხოვნა საგარანტიო თანხის გადახდაზე საქართველოს შინაგან საქმეთა სამინისტროს მხრიდან აღარ მიიღება.

ეს გარანტია გაიცემა პრინციპალთან (მიმწოდებელთან) 2020 წლის 08 დეკემბერს გაფორმებული მომსახურების გენერალური ხელშეკრულების №GA 770/20 საფუძველზე.

გარანტი

სს სადაზღვევო კომპანია ჯიპი აი ჰოლდინგი
საიდენტიფიკაციო კოდი: 204426674,
კოსტავას ქ. 67, თბილისი 0160

Insurance
Company GPI
Holding JSC

Digitally signed by Insurance
Company GPI Holding JSC
DN: cn=Insurance Company GPI
Holding JSC,
2.5.4.97=NTRGE-204426674, o=...
....., C=GE
Date: 2022.02.03 09:49:43 +04'00'